

kurz/einfeltig / gütlich vnd fanfftmutig geben  
hab wöllen / fürnemlich der lieben Kirchen / auff  
das sie ia noch betrachte / wie ihre sachen beyde  
voriger handlung der Adiaphora / vñ jetziger ge-  
far der Lehre halb für Gott stehen / Also bin ich  
auch bereit weiter nu zuantworten / vnd in son-  
derheit vnsern widerwertigen den Adiaphori-  
sten selb / Vnd in der selben antwort / was hie ge-  
sagt mit gutem grund / noch weiter zugründen /  
ire gründe dargegen nider zulegen / vnd was sie  
an der Lehre vnd Kirchen vbelß gehandelt / inen  
etwß ernstlicher vnter die augen zustellen / Doch  
auch kurz vnd einfeltig.

Vnd das alles zum zeugnis wider sie / vñ  
die ganze mennige irer Jünger / deren / die vber  
Menschen mehr den vber Gott / vñ wider Gott  
eiuern / Ob ich der selben vñ vielleicht auch noch et-  
liche gewinnen möchte / Auch vnserre grosse  
Herren noch ein mal bewegen / die sachen durch  
ein öffentlich erkantnis recht zu vrtailen / vnd  
dadurch bey vilen die Buß vnd war-  
heit desto mehr zu-  
fordern.